

Carta nū cuití nacaḥyí Pablo nū nā cúu cuéntá Jesús ñuu Tesalónica

*Pablo xihín da xíca xihín dá chindahá da Ndióxi coo nā cúu
cuéntá Jesús ñuu Tesalónica*

¹ Yeḥe cúu Pablo, da cáhyí carta yóho xihín Silvano xihín Timoteo ta chindahá i ña nūu ndihi ndó, nā cúu cuéntá Jesús ndúu ñuu Tesalónica. Ta in nanduu ndó xihín Ndióxi, tátá yo ta in nanduu ndó xihín Jesucristo, xitoho í. Ná caja Ndióxi, tátá yo xihín Jesucristo, xitoho í cuahá ñamaní xihín ndihi ndó ta ná caja mé á ña ná coo vaḥa ini ndó.

Cándeé cáhnu ini nā Tesalónica Jesús

² Já cuití ndíquiḥva nde ndixḥvi nū Ndióxi saḥá ndihi ndó. Ta co ndíndójó nde xíca taḥví nde nū mé á saḥa ndo. ³ Ndíquiḥva nde ndixḥvi nū Ndióxi, tátá yo saḥa ndo jáchi cándeé cáhnu ini ndó mé á. Ta saḥá ña quíhvi ini ndó mé á saḥá ña cán queá cája chúun vaḥa ndó cuéntá mé á. Saḥá ña cándeé ini ndó Jesucristo ña quixi tucu a ñuyíví yóho saḥá ña cán queá cája ndeé ini ndó tá ndóho ini ndó. ⁴ Cuni johó vaḥa ndó, ñani mí i, nā cúu cuéntá Jesús. Sa xíní nde ña quíhvi ini Ndióxi ndohó ta naçaxi a ndohó cacuu ndó cuéntá mé á. ⁵ Tá naçaxi tuhun nde tuhun vaḥa saḥá Jesús nū ndo a juú tuhun uun naçahan nde xihín ndo. Naçahan nde mé tuhun xihín ndée ña naçahan ínimā yij Ndióxi nūú nde. Ña cán queá sa xíní ndo ña ndaa cuití va naçahan nde xihín ndo. Ta sa xíní vaḥa ndó ña naçaja ndaa nde tá naçanduu nde xihín ndo jáchi cúni nde chindeé nde ndohó.

⁶ Andá jáví ñacasáhá ndó cája ndó ña ñacaja mé nde xihín ña ñacaja Jesucristo. Jáchi ñandiquehe vaha ndó ña najánaḥa nde nu ndo. Ta vatí ñandoho ndivaḥa ini ndó joo ñacavatá ndo ñacaja ínimá yij Ndióxi. ⁷ Ta tá ñandihí ñanduu ndó ña jánaḥa nu tóco ndihí ña cúu cuéntá Jesús, ña ndúu estado Macedonia xihín estado Acaya ña ndítahan caja na. ⁸ Ta a juú Macedonia xihín Acaya cuití va vaha jáchi ndijáá ñuu ñandicuita nuu tuhun vaha sahá Jesús ñacaja ndó. Ña cán queá sa xíní tóco ndihí ñayivi ña cándéé cáhnu ini ndó Ndióxi. Ña cán queá ndá ñuu cásaa nde cáxi tuhun ña cán nuú nde saḥa ndo chí co xíní ñúhú ga nde caḥan nde saḥa ndo nu ná. ⁹ Ta viti tóco ndihí ña cán cáxi tuhun na nuú nde ndaja ñandiquehe vaha ndó tuhun ñacaḥan nde xihín ndo tá ñasanduu nde xihín ndó ñuu Tesalónica cán. Ta cáxi tuhun na ndaja ñandijama ndó tá ñandicoo ndó ña cája cáhnu ndó yoco jáchi viti cája cáhnu ndó Ndióxi cuití va. Ta cáxi tuhun na ndaja ñandicoo coo ini ndó ta ñacasáhá ndo cája chúun ndó cuéntá Ndióxi, mé a cája ña ndaa cuití va, ña tácu a íin a indiví viti. ¹⁰ Ta cáxi tuhun na nuú nde ndá quiahva ndátí ndó ndicó coo Jesucristo quixi a indiví, mé a cúu jahyi Ndióxi. Ta Ndióxi najánditacu a Jesús, mé á jácacu mí ná a ndóho iní tá ná xinu quiví caja víí Ndióxi sahá cuachi ñayivi.

2

Chuun ñacaja Pablo tá ñasahin da ñuu Tesalónica

¹ Ta sa xíní ndihí ndó, ñani mí i, ña cúu cuéntá Jesús ña coo ñacasaa uun va nde ñuu Tesalónica jan jáchi ñandiquehe vaha ndó tuhun Ndióxi. ² Joo tá cámani saa nde ñuu ndó jan sa xíní ndo ndaja ñacaja xíxi ña ñuu Filipos xihín nde ta ñacanahá ña xihín nde. Joo tá ñacasaa nde ñuu ndó ñasahán ndée ini nde ñacaja Ndióxi já ñacaxi

tuhun nde tuhun vaha saha Jesús nu ndo vatí ndúu cuahá na co cúní ndehe. ³ Ta coó nacañan nde ña tuhún xihín ndo jáchi tuhun ndaa cuití va cúu ña najánaha nde nu ndo. Ta coó nacañvi núu ini nde ta coó najándahvi nde ndohó. ⁴ Joo nacañi Ndióxi ndehe ta nasahnda mé á chuun nuú nde ña ná caxi tuhun nde tuhun vaha saha Jesús nuú ñayivi. Ta vatí co táhán ini ñayivi xihín ña cáhan nde joo coó nandijama toho nde ña. Jáchi Ndióxi quéa sándehe ínima yo ta táhán ini a xihín ña cáhan nde. ⁵ Sa xini vaha ndó nacañan ndaa nde xihín ndo ta coó nacañan chíjín nde xihín ndo. Ta coó najándahvi nde ndohó sahá jiuhún. Joo xini ndaa táhyí Ndióxi ña ndaa cuití va nacañan nde xihín ndo. ⁶ Ta sa xini vaha ndó ña ni tañu mé ndó ta ni tañu java ga ñayivi coó nandinducú nde ña ná caha cáhnu ñayivi ndehe vatí íin saha nde cahnda nde chuun nu ndo jáchi cúu nde na apóstol nacañdahá Ndióxi nu ndo. ⁷ Joo nacañ vií nde xihín ndo tá quiahva ndáa vaha in ñañáha jahyi ñá. ⁸ Ta cúní ndivaha nde ndohó ña cán quéa nacañi tuhun nde tuhun vaha sahá Jesús nu ndo. Ta íin tiahva nde quivi nde saha ndo jáchi quíhvi ini nde ndohó. ⁹ Nani nde, na cúu cuénta Jesús, á co ndícuñun ini ndó ndá quiahva nacañ nde tá nasanduu nde xihín ndo cán. Nuú tá ndiví nacañ chúun nde já ná cuu chañvi nde sahá ña xixi nde. Jáchi co cúní nde jáquihvi nde ndohó nani cáxi tuhun nde tuhun vaha sahá Jesús nu ndo.

¹⁰ Ta sa xini ndaa táhyí ndihi ndó, na cúu cuénta Jesús ña nacañ vaha nde xihín ndo ta cuu cañan ndó saha nde. Ta xini táhyí Ndióxi ña nacañ ndaa nde xihín ndo ta nacañ vií nde xihín ndo ña cán quéa a cuú chicañ ñayivi cuachi jatá nde. ¹¹ Sa xini vaha ndó ndaja najacañan nde in in ndó ta ndaja nasahañ nde tuhun ndeé ini ndó ña ná candico cáhnu ndó íchi cuénta Jesús. Tátuhun cája in dataa xihín jahyi da já nacañ nde xihín ndo. ¹² Ta

nasahnda nde chuun nu ndo caha ndó ña cúnj Ndióxi jáchi cúu ndó cuénta mé á. Mé Ndióxi, mé a sáhdá chuun indiví, mé a cán quéa ñaxaxi a ndohó cahnda ndó chuun xihin á. Mé á cúu á in Ndióxi cáhnu ndivaha ta ndaja cáhnu mé á ndohó xihin á.

¹³ Ña cán quéa ní tiempo ndíquiáhva nde ndixahvi nu Ndióxi jáchi nandiquehe vaha ndó tuhun Ndióxi ña ñaxaxi tuhun nde nu ndo. Tá ñaxini johó ndó ña já ñacandaa ini ndó ña cúu á tuhun Ndióxi ta co cúu á tuhun ñayivi ñuyivi. Ta mé a ndaa cúu á tuhun Ndióxi jáchi tá ñaxini johó ndó ña já quéa najándicoo ndó cuachi cája ndó sahá ña cándeé ini ndó Jesús. ¹⁴ Anda jáví mé ñayivi ñuu ndó ñacasahá na jándoho na ini ndohó, ñani mí i ta ñacaja xixi na xihin ndó. Ta quiáhva já nandoho na cúu cuénta Jesús estado Judea. Jáchi na Israel, na ndúu estado Judea ñacaja xixi na xihin ná. ¹⁵ Jihna nasahní java na Israel na profeta cuénta Ndióxi. Ta quiáhva já nasahní java ri na Israel Jesucristo, xitoho í. Ta viti java na Israel cája xixi na xihin nde ta ñataxi na ndehe veñuhu. Co cájji ini Ndióxi xihin ná jáchi cándají na tóco ndihi ñayivi. ¹⁶ Ta coo nasahan na ñamaní nuú nde caxi tuhun nde tuhun vaha sahá Jesús nuú ñayivi, na coo ñaquixi chichi Israel ña ná jácacu Ndióxi na. Ta sahá ña yóho nandicuahá cuachi na nu Ndióxi ta sahá ña cán quéa xójo ini a xihin ná ta viti ñaxinu coo hora jándoho a ini na.

Cúni Pablo coto nihni tucu da ñayivi ñuu Tesalónica

¹⁷ Ñani mí i, na cúu cuénta Jesús, tá nandihí ñaquee nde ñuu ndó jan já nandicuhun ini nde saha ndo. Núhu ini nde saha ndo vatí co xini nde ndohó xihin nuú nde. Ta ndiáva ini nde ndicó coo nde ñuu ndó coto nihni nde ndohó. ¹⁸ Nasacu ini nde saa nde nu ndo. Ta yehe, da cúu Pablo cuahá tañu ñacacúni saa i ñuu ndó joo tiñahá sacuahá nasaji nuu rí nuú i sahá ña cán quéa coo ñacuu

saa i jan. ¹⁹ Ndá saha quéa cándéé ini nde ndohó ta ndá saha quéa cájii ini nde ta ndá saha quéa coo vaha ini nde tá tandaa quivi quixi tucu Jesucristo ñuyíví yóho. Saha ña ndíco ndo íchi cuéntá Jesucristo, xitoho í saha ña cán quéa cájii ini nde. ²⁰ Mé a ndaa íin vaha ini nde ta cájii ini nde cája ndó.

3

¹ Ta saha ña cúní ndivaha i candaá ini i ndaja ndúu ndó cán saha ña cán quéa nasacu ini i candoo in táláá mí i ñuu Atenas. ² Ta nachindahá i ñaní Timoteo, mé da cája chúun xihin nde cuéntá Ndióxi cáxi tuhun da tuhun vaha saha Jesucristo nuú ñayivi. Nachindahá i da saa da coto nihni da ndohó já quéa jácahan da ndohó ña ná coo ndacú chága ínimá ndó nu Ndióxi ta ná chindeé da ndohó candeé cáhnu chága ini ndó Ndióxi. ³ Jáchi cúní nde ña ná coo ndacú ini ndó ná a jándicoo ndó íchi cuéntá Jesús vatí cája xíxi ñayivi xihin ndo. Jáchi sa xíní vaha ndó ña ndítahan nu yo ndóho tá ndóho iní saha Jesucristo. ⁴ Á co ndícuhun ini ndó tá nasanduu nde xihin ndo nacaxi tuhun nde nu ndo ña vaxi quivi ndoho iní saha mé á. Ta viti sa xíní ndó ña nayaha ña nacahan nde xihin ndo. ⁵ Saha ña coó nañehé e tuhun saha ndo saha ña cán quéa nachindahá i Timoteo nu ndo ná cañehe da tuhun saha ndó quixi a nuú i já ná candaá ini i á mé a ndaa táhyí ndíco cáhnu ndó íchi cuéntá Jesús. Jáchi nayihví i ña jándahvi tiñáhá sacuaha ndohó. Ta tá ná quee vaha tiñáhá sacuaha xihin ndo, nduu já quéa mé a uun quéa nacahan nde tuhun Ndióxi xihin ndo.

⁶ Joo viti chá va naquixi Timoteo yóho tá nandihí naxito nihni da ndohó jan. Ta nañehe dá tuhun vaha saha ndo ña cándéé ini ndó Jesucristo ta quíhvi ini táhan ndó. Ta cáchí da ña ñúhu ndivaha ini ndó saha nde. Ta xíca ndivaha ini

ndó cuni ndó ndehe tá quiahva xíca ndivaha ini nde cuni nde ndohó. ⁷ Cándehé ndó, ñani i. Vatí ndóho ndivaha ini nde yóho joo nasahan ndeé ini nde jáchi ñañehé nde tuhun ña cándee cáhnu ini ndó Jesús ta ndíco cáhnu ndó íchi cuéntá mé á. ⁸ Ta ñandivaha ini nde jáchi cándaá ini nde ña ndacú íin ini ndó xihín Jesucristo, xitoho í. ⁹ Ta co ñehe ga nde ndá quiahva ndiquiahva nde ndixahvi nu Ndióxi saha mé ndó jáchi cájii ndivaha ini nde ñacaja ndó. ¹⁰ Chí ñuu ta ndiví xíca tahví nde nu Ndióxi ña ná quiahva ñamaní nuú nde saa nde coto nihni nde ndohó jáchi cúni nde xinu coo nde jánaha chága nde tuhun Ndióxi nu ndo já ná candeé cáhnu chága ini ndó mé á.

¹¹ Ña cán queá xíca tahví nde nu Ndióxi, tátá yo xihin Jesucristo, xitoho í ña ná chindeé a ndehe saa nde nu ndo coto nihni nde ndohó. ¹² Ta ná caja Ndióxi ña ná quihvi chága ini táhan ndó. Ta ná chutú ndaa ini ndó xihín ña quihvi ini ndó tóco ndihi ñayivi tá quiahva quihvi ini nde ndohó. ¹³ Ta ná caja Ndióxi ña ná coo ndacú ínima ndo nu mé á. Ta ná jándoo a ínima ndo já ná coo víi a nu mé á tá ná quixi tucu Jesucristo ñuyiví xihín ndihi na cúu cuéntá mé á.

4

Ña ndítahan nu yo caja í já ná tahan ini Ndióxi xihin yo

¹ Cuni johó vaha ndó ñani mí i, na cúu cuéntá Jesús. Jihna najánaha nde ndohó ndaja ndítahan caja ndó já ná tahan ini Ndióxi xihin ndo. Ta xini nde já cája ndó anda viti. Xihin ndee sahan Jesucristo nuú nde xíca tahví nde nu ndo ta sáhdá nde chuun nu ndo ña ná a jándicoo ndó caja ndó ña najánaha nde nu ndo.

² Sa xini vaha ndó ña sáhdá nde chuun nu ndó jáchi nasahnda Jesucristo, xitoho í chuun nuú nde cahan nde ña yóho xihin ndo. ³ Ña cúni Ndióxi queá ná coo víi ínima

ndó nū mé á ta ná a cája ndó cuachi ña coo ndó xihín najihí á taa, na coo cúu ñájihí ndó á yí ndo. ⁴ Ña cúní Ndióxi quéa ná tandaha ndó xihín in talaá ñáñaha. Ta ná coo vií ndó xihín ña ta ná caja cáhnu ndó ña. ⁵ Ta ná a ndiáva ini ndó caja núu ndó xihín ña tá quiahva cája ñayivi, na coo xini Ndióxi. ⁶ Co ndítahan caja ndó cuachi xihín ñájihí ñani táhan ndó jáchi xihín ña yóho jándahvi ndó yí ña. Ta jándoho ndivaha Ndióxi ini tóco ndihi na cája já. Ta sa xini vaha ndó ña yóho jáchi nacaxi tuhun nde ña nū ndó jihna. ⁷ Jáchi coo nacana Ndióxi mí ña ná caja í cuachi. Nacana mé á mí jáchi cúní a ña ná cacuu ñayivi yii, na ín vií ínima. ⁸ Ta ndá na coo cúní cuni johó ña jáñaha nde já quéa cándaá ini ndó ña a juú ndehe cuití va cándají na. Jáchi quéhe núu na Ndióxi sahá ña coo cája na ña cúní mé á. Ta Ndióxi quéa nasahan ínima yii mé á nū yo cañuhu a iní.

⁹ Sa najánaha va Ndióxi ndohó ndá quiahva ndítahan quihvi ini táhan ndó, na cúu cuéntá Jesús. Sahá ña cán quéa nū carta yóho coo ndítahan cahyí tucu u ña nū ndo. ¹⁰ Ta sa xini vi ña mé a ndaa quihvi ini ndó tóco ndihi na cúu cuéntá Jesús ndúu estado Macedonia. Joo xica tahví i nū ndó, ñani mí i ña ná quihvi chága ini ndó na. ¹¹ Xini ñuhú nducú ndo coo vaha ini ndó xihín ndihi ñayivi. Ta nducú ndo coo ndisáhnu ini ndó. Ta ndítahan nū in in ndó caja ndó chuun mé ndó jáchi já najánaha nde nū ndó jihna. ¹² Ta tá ná caja chúun vaha ndó já quéa cahan vaha ñayivi, na coo cúu cuéntá Jesús saha ndo. Ta tá ná caja chúun vaha ndó já quéa a ndímaní ni in ñaha nū ndo catacu ndó.

Vaxi quivi quixi tucu Jesucristo ñuyivi yóho

¹³ Ta viti cúní nde ndicani nde nū ndó, ñani i, na cúu cuéntá Jesús ña ná candaá vaha ini ndó ña ndaa sahá ñayivi, na sa naxihi. A cacuéha ini ndó saha ná tá quiahva cája ñayivi, na coo candeé ini Ndióxi. ¹⁴ Tá quiahva cándúsa

nde ña naxihí Jesucristo ta nanditacu tucu a quiahva já cándusa nde ña jánditacu tucu Ndióxi ña sa naxihí, na nasandeeé ini mé á tá nasatacu na. Caja Ndióxi ña ná quixi ña cán xihín Jesús tá ná quixi tucu a ñuyíví yóho.

¹⁵ Ña cán quéea cáhan nde ña yóho xihín ndo ta cúu á ña najánaha Jesucristo, xitoho í nuú nde. Tá ná quixi tucu mé á ñuyíví yóho ndiquehe a mí já quéea a cühun toho jihna ñúhú ña tácu ñuyíví yóho jáchi jihna ñúhú ndindita ña sa naxihí. ¹⁶ Jihna ñúhú nuu Jesucristo quixi tucu a ñuyíví yóho. Ta mé já cayuhú a cahnda a chuun nuú ndihi ñayivi. Já cayuhú táto sacuaaha Ndióxi ta ndahyi trompeta Ndióxi. Já nditacu nu cuítí ña sa naxihí, ña cándusa Jesucristo. ¹⁷ Anda jáví tóco ndihi mí, ña tácu ndique táhan í xihín ña nanditacu nu cuítí ta cañehe Ndióxi mí tañu vico. Já ndique táhan í xihín Jesucristo, xitoho í nu táchi ta já coo í xihín mé á anda ama cáa quivi. ¹⁸ Sahá ña cán quéea ndítahan nu ndó quiahva tuhun ndeé ini táhan ndó xihín tuhun yóho.

5

¹ Candehé ndo, ñani i, ña cúu cuénta Jesús. Co xíní ñúhú cahyí i nu ndo saha ndá ama quixi tucu Jesucristo ñuyíví yóho. ² Jáchi cándaqa vaha ini ndó ña mé quivi co cáhan yo quixi Jesucristo ñuyíví yóho já quixi mé á. Tá quiahva jonáa cuití va xinu in da cuihna tá ñuu quiahva já jonáa xinu Jesucristo ñuyíví yóho. ³ Tá ná cáhan ñayivi sa ndúu vaha ndivaha na ta ni in ñaha a cúu yihví ña anda jáví jonáa xinu ña ndoho ndivaha ini na. Tá quiahva jonáa xinu ña sáhdá a tixi in ñáñaha tá cúní cacu jahyi ña quiahva já xinu quivi ndihi saha ná. Ta ni in na a cuú çacu toho. ⁴ Joo mé ndó, ñani mí i, ña cúu cuénta Jesús co ndúu ga ndó nuú naá saha ña cándaqa ini ndó ña quixi tucu Jesucristo ñuyíví yóho. Ta vatí catóntó ndo tá ná xinu

in da cuihná nū ndō joo cō ndítahan catóntó ndō tá ná quixi tucu Jesucristo. ⁵ Jáchī tócō ndihi ndó, nā cándéé ini Jesucristo ndúu ndó nū yéhe sahá ñā xíca ndó íchī cuéntá Jesús. Cō xíca toho ndó íchī nuú naá nū xíca ñayivi ñuyíví, nā cō cándéé ini Jesucristo. ⁶ Sahá ñā cán quéa ndítahan coo tiahva í candatí quixi Jesucristo ta a cúju yō tá quiahva cája java ga ñayivi. Ñā ndítahan caja í quéa cañuhu táhyí iní xihín tócō ndihi xíní túnī yō candatí xinū Jesucristo. ⁷ Jáchī nā quíji, quíji nā tá ñuú ta nā xíhi, xíhi na tá ñuú. ⁸ Joo mí sa xíca í nū yéhe ta ndítahan cañuhu táhyí iní. Ndítahan nū yó chindeé yō mí. Tá cándéé iní Jesucristo ta tá quíhvi ini táhan í já cúú á tátuhun ndíxi yó cotó caa. Tá ndatí quixi tucu Jesucristo jácacu a mí já cúú á tátuhun ñuhu ndó yíjini caa. ⁹ Jáchī coó naçaxi Ndióxi mí ndicuehe a xihín yō jáchī nañihí Jesucristo, xitoho í sahá cuachí sahá ñā cúni a jácacu a mí ná a cūhun yó indayá. ¹⁰ Nañihí Jesucristo saha yō ta tá tácu yō á sa nañihí yō mé quívi quixi tucu a ñuyíví yóho já quéa cañehe a mí cohó coo í xihín mé á anda ama cáa quívi. ¹¹ Ñā cán quéa quiahva tuhun ndeé ini táhan ndó ta chindeé táhan ndó tá quiahva sa cája ndó.

Ndícani Pablo nuú nā cúú cuéntá Jesús ñā ndítahan caja na

¹² Ta viti xíca tahví nde nū mé ndó, nā cúú cuéntá Jesús ñā ná caja cáhnu ndó ñayivi, nā cája chúun tañu ndó jáchī ndáca na ndohó íchī cuéntá Jesucristo, xitoho í ta jánaha nā tuhun Ndióxi nū ndo. ¹³ Ndítahan coo toní ñúhú ndō xihín ná ta quíhvi ini ndó nā xihín ndinuhu ini ndó jáchī cája chúun na cuéntá Ndióxi tañu ndó. Coo vaaha ini ndó xihín ñani táhan ndó.

¹⁴ Xíca tahví nde nū ndó ñā ná jánani ndó ndá nā cō cúni caja chúun. Quiahva ndó tuhun ndeé ini ndá nā cácuéha

ini. Chindeé ndó ñayivi, na vitá ini xihín tuhun Ndióxi. Ta coo cáhnu ini ndó xihín ndihi ñayivi.

¹⁵ Candehé ndo. A ndúcú ñehe ndó ña núu cája inga na xihín ndo. Ta ndinducú ndo caja vaha xihín táhan ndó níí tiempo ta quiahva já caja ndó ña vaha xihín tóco ndihi ñayivi.

¹⁶ Ná coo vatá ini ndó níí tiempo. ¹⁷ Ta caca tahví ndó nu Ndióxi níí tiempo. ¹⁸ Ndá nacuu ña ndóho ndó ndítahan nu ndo ndiquiahva ndó ndixahvi nu Ndióxi sahá jáchi ña yóho cúní Ndióxi caja mé ndó, na cúu cuéntá Jesús.

¹⁹ A cáji nuu ndó nuú ña cúní ínima yii Ndióxi caja xihín ndo. ²⁰ A quéhe núu ndó ñayivi, na jáyaha tuhun, ña nasahan Ndióxi nu ná cahan na xihín ndo. ²¹ Coto ndojó ndo tóco ndihi ña cahan na xihín ndo. Caxi ndó ña vaha ²² ta caxoo ndó nu tóco ndihi ña núu.

²³ Ta Ndióxi, mé a cája ña coo vaha ini ndó, ná caja yii ndihi a ndohó. Ná caja yii á ínima ndo xihín yiquí cuñu ndó já ná coo vií ndo tá ná xinu quiví quixi tucu Jesucristo, xitoho í. ²⁴ Jáchi sa nacaxi Ndióxi mí ta a jándicoo a mí anda quiahva jáxinu coo a tóco ndihi ña nacachi a.

Jáxinu coo Pablo ña cahan da ta ndíndayí da na

²⁵ Ñani mí i, na cúu cuéntá Jesús, caca tahví ndo nu Ndióxi sahá nde.

²⁶ Cahan Ndióxi ndó xihín ndihi na cúu cuéntá Jesús ta tatí yúhu táhan ndó ta yii caja ndó ña.

²⁷ Candehé ndo, ñani i, na cúu cuéntá Jesús. Sáhndá i chuun nu ndó cuéntá Jesucristo, xitoho í ña ná cahvi ndó carta yóho nuú ndihi na cúu cuéntá Jesús ndúu xihín ndó jan.

²⁸ Ná caja Jesucristo, xitoho í cuahá ñamaní xihín ndo. Já ná coo.

Tuhun saá ña najándacoo Jesucristo nu yo: El Nuevo
Testamento en el mixteco de Silacayoapan
New Testament in Mixtec, Silacayoapan (MX:mks:Mixtec,
Silacayoapan)

copyright © 2009 Wycliffe Bible Translators, Inc.

Language: Mixtec, Silacayoapan

Translation by: Wycliffe Bible Translators, Inc.

Mixtec, Silacayoapan

mks

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Silacayoapan

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 27 Sep 2019 from source files dated 27 Sep 2019

7f2d3ecf-6d15-55a5-9081-6e970474df2f